



Izrazi u ovim uslovima znače:

Osiguravač - Lovćen osiguranje A.D., sa kojim je zaključen ugovor o osiguranju;
Ugovarač osiguranja - lice koje zaključi ugovor o osiguranju;
Osiguranik - lice čija je imovina i/ili imovinski interes osiguran. Ugovarač osiguranja i osiguranik isto su lice, osim kod osiguranja za tuđi račun;
Polisa - isprava o ugovoru o osiguranju;
Premija - iznos koji ugovarač plaća po ugovoru o osiguranju;
Naknada iz osiguranja - iznos koji plaća osiguravač prema zaključenom ugovoru o osiguranju.

1. član – OSIGURANE OPASNOSTI

(1) Osiguranje pokriva štetu nastalu zbog pucanja, loma ili razbijanja stakla ili drugih osiguranih stvari.
(2) Osiguranje ne pokriva štete koje nastanu:
1) pri premještanju ili namještanju osiguranih stvari u prostore koji nisu navedeni u polisi;
2) zbog ogrebotina, izjedanja i sl. oštećenja na površini osiguranih stvari;
3) zbog klizanja ili slijeganja tla.
(3) Šteta na slikama, natpisima i ukrasima pokrivena je samo ako je nastala istovremeno sa štetom na samoj osiguranoj stvari na kojoj se nalazi slika, natpis ili ukras.
(4) Ako se osiguraju svjetleće cijevi i svjetleći panoi sa pripadajućom opremom, osiguranjem je pokrivena i šteta zbog loma, pregorijevanja i požara pripadajuće opreme.
(5) Ako je posebno dogovoreno, osiguranje takođe pokriva štetu na osiguranim stvarima koja nastane zato što su ih počinioci oštetili bojom ili drugim materijama.

2. član – PREDMET OSIGURANJA

(1) Predmet osiguranja stakla su:
1) staklo, svjetleći natpisi i reklame, slike, natpisi i ukrasi izrađeni na osiguranom staklu, ploče iz prirodnog i vještačkog kamena na stolovima, pultovima, policama i sl., saobraćajna ogledala i saobraćajni znakovi, razni panoi i kulturni, istorijski i nadgrobni spomenici.
Pored svjetlećih natpisa i reklama, osigurani su i neostakljeni djelovi i okviri, koji su njihov sastavni dio;
2) svjetleće cijevi i svjetleći panoi s pripadajućom opremom ili bez nje;
(2) Ako je u ugovoru o osiguranju dogovoreno, predmeti osiguranja takođe su stvari u izlozima, ako postoji opasnost da bi mogle biti kod osiguranog slučaja uništene ili oštećene. Nestanak stvari ovo osiguranje ne pokriva.
(3) Prema ovim uslovima nisu predmet osiguranja:
1) predmeti izrađeni od šupljeg stakla, stakla na svjetiljkama i reflektorima, rasvjetna tijela svih vrsta, rendgenske, kvarcne, radio, televizijske i druge žarulje (cijevi), fluorescentne cijevi i uređaji za fluorescentnu rasvjetu, stakla koja se koriste u radnoj pripremi u procesu proizvodnje, leće i staklene kugle kao i zalihe stakla i staklene robe svih vrsta;
2) već razbijene, ogrebane i oštećene stvari;
3) stakla u oštećenim okvirima.
(4) Osigurane su samo one stvari koje su navedene u polisi.

3. član – VRIJEDNOST OSIGURANE STVARI

Vrijednost osigurane stvari je njena nabavna vrijednost uvećana za troškove prevoza, prenosa, postavljanja i montaže, odnosno cijena za izradu nove slike, natpisa ili ukrasa na staklu ili staklenih slova.

4. član – MJESTO OSIGURANJA

(1) Osiguranje važi dok su osigurane stvari u mjestu koje je navedeno u polisi.
(2) U slučaju proširenja ili promjene mjesta osiguranja, u ugovoru o osiguranju mora biti dogovoreno da osiguranje važi takođe i za stvari na proširenom ili promijenjenom mjestu.

5. član – OBRAČUN ŠTETE

(1) Šteta koju osiguranje pokriva obračunava se u visini troškova kod zaključenja likvidacije osiguranog slučaja za postavljanje novog stakla ili druge stvari iste takve vrste i svojstva ili za izradu nove slike, natpisa ili ukrasa na staklu ili staklenih slova. Moguće umanjeno vrijednosti oštećene stvari zbog istrošenosti i starosti ne primjenjuje se, što ne važi i za pripadajuću opremu koja je osigurana zajedno sa svjetlećim cijevima i panoima.
(2) Ako zbog načina izrade nije moguće zamijeniti razbijeno staklo, a da se ne zamijeni i okvir, onda je i on pokriven osiguranjem.
(3) Ako osiguravač nije mogao obaviti uvidaj štete, osiguranik je dužan sačuvati dokaze o nastaloj šteti.
(4) Osiguravač može štetu nadoknaditi u novcu ili dovođenjem u stanje prije štetnog događaja. Ako se šteta nadoknadi dovođenjem u stanje prije štetnog događaja, ostaci prelaze u vlasništvo osiguravača. U vlasništvo osiguravača prelazi takođe i staklo koje je služilo za privremeno zastakljivanje. Ako osiguravač nadoknadi štetu u novcu, osiguranik može po dogovoru zadržati ostatke, koji se obračunavaju po tržišnoj cijeni kod nastanka osiguranog slučaja kao i na osnovu stanja u kakvom su bili odmah nakon osiguranog slučaja. Vrijednost ostataka odbija se od iznosa

obračunate štete.

6. član – TROŠKOVI NAKON OSIGURANOG SLUČAJA

(1) Pokriveni su i troškovi za:
1) nužno privremeno zastakljivanje;
2) otklanjanje i ponovno namještanje predmeta koji ometaju postavljanje nove stvari (npr. zaštitna mreža, zaštitne rešetke, i dr. sredstva za zaštitu od sunca).
(2) Osiguranje ne pokriva troškove za otklanjanje ili umanjeno opasnosti kao ni troškove za posredovanje vatrogasnih i drugih organizacija koje po karakteru svog poslovanja moraju u osiguranom slučaju pružiti besplatnu pomoć.

7. član – SUMA OSIGURANJA

(1) Ako nije drugačije dogovoreno, osiguravač garantuje naknadu štete samo do visine dogovorene sume osiguranja.
(2) Ako je ugovor o osiguranju zaključen bez sume osiguranja ili na neograničenu vrijednost, važi da je osiguranje zaključeno na stvarnu vrijednost.

8. član – OBAVEZA OSIGURAVAČA (NAKNADA IZ OSIGURANJA)

(1) Ako je suma osiguranja jednaka vrijednosti osigurane stvari ili je viša od nje, osiguravač kod zaključivanja likvidacije plaća obračunatu štetu u punom iznosu, ali najviše do visine vrijednosti osigurane stvari.
(2) Ako je suma osiguranja kod zaključivanja likvidacije osiguranog slučaja niža od vrijednosti osigurane stvari (podosiguranje), osiguravač plaća obračunatu štetu samo u srazmjeri između sume osiguranja i vrijednosti osigurane stvari, ali najviše do sume osiguranja.
(3) U slučaju kada je osiguranje zaključeno na prvi rizik, osiguravač plaća obračunatu štetu u punom iznosu, ali najviše do dogovorene sume osiguranja. Odredbe o podosiguranju iz stava (2) ovog člana u tom slučaju se ne primjenjuju.
(4) Ako je u ugovoru o osiguranju dogovoreno da osiguranik sam snosi dio štete (franšiza), kod obračuna naknade iz osiguranja primjenjuje se i dogovoreno učešće osiguranika u šteti.
(5) Nužne troškove za mjere koje bi otklonile ili smanjile štetu i koje su po nastanku osiguranog slučaja preduzete po nalogu osiguravača, osiguravač mora u cjelosti vratiti, bez obzira na sumu osiguranja.
(6) Pri zaključenju likvidacije osiguranog slučaja isplaćuje se naknada iz osiguranja koja je umanjena za eventualno već isplaćenu akontaciju, revaloriziranu po stopi rasta cijena troškova života u državi Crnoj Gori od dana uplate akontacije do zaključenja likvidacije osiguranog slučaja.

9. član – OGRANIČENJE OBAVEZE ZBOG DRUGIH OSIGURANJA

Ako su stakla i druge stvari osigurane takođe i drugim vrstama osiguranja (npr. požarnim osiguranjem), kod osiguranog slučaja se plaća naknada iz osiguranja iz tih drugih osiguranja. Iz osiguranja stakla plaća se naknada iz osiguranja samo onda kada pokriće iz ostalih osiguranja nije bilo dovoljno, i to u visini iznosa nepokrivenog dijela štete.

10. član – OPASNE OKOLNOSTI

(1) Pri zaključenju ugovora o osiguranju ugovarač mora prijaviti osiguravaču sve okolnosti koje su važne za ocjenu opasnosti (težine rizika) koje su mu poznate, ili mu nisu mogle ostati nepoznate. Okolnostima koje su važne za ocjenu rizika smatraju se naročito okolnosti koje su ugovaraču osiguranja poznate i na osnovu kojih je određena i obračunata premija, kao i one koje su navedene u ugovoru o osiguranju. Te okolnosti mogu odrediti ugovarač osiguranja i osiguravač zajedno.
(2) Ugovarač osiguranja mora osiguravaču omogućiti pregled i reviziju rizika.

11. član – ZAKLJUČENJE UGOVORA O OSIGURANJU

(1) Ugovor o osiguranju zaključen je na osnovu pismene ili usmene ponude.
(2) Osiguravač može po prijemu ponude zahtijevati dopune ili pojašnjenja. Smatra se da je ponuda stigla osiguravaču kada je primio zahtijevane dopune ili pojašnjenja.
(3) Odredbe o zaključenju ugovora o osiguranju takođe se primjenjuju i tada kada se promijeni postojeći ugovor o osiguranju, osim u slučaju izmjene uslova osiguranja ili tarife premija.

12. član – PLAĆANJE PREMIJE

(1) Prvu ili jednokratnu premiju ugovarač osiguranja mora platiti kod prijema isprave o osiguranju, a sljedeće premije prvog dana svake osiguravajuće godine. Ako je dogovoreno da se premija plaća u ratama, na naplatu dospijevaju sve rate tekuće godine osiguranja kada nastane osigurani slučaj.
(2) Ako je dogovoreno da se premija plaća u ratama za proteklo vrijeme, mogu se obračunati redovne kamate na iznos premije za koji je dogovoreno odloženo plaćanje. Ako premija koja se plaća u ratama nije plaćena do dana dospijanja, mogu se obračunati i zatezne kamate.
(3) Ako je premija plaćena na pošti, za dan plaćanja važi onaj dan kada je iznos premije bio pravilno uplaćen pošti. Ako je premija plaćena virmanom, za dan plaćanja važi onaj kada nalog dođe u banku osiguravača.
(4) Ako je u pogledu dogovorenog vremena osiguranja u ugovoru bila određena niža premija, a osiguranje je iz bilo kojeg razloga prestalo prije isteka tog vremena, osiguravač ima pravo teretiti razliku do one premije koju bi ugovarač osiguranja



morao platiti da je ugovor o osiguranju bio zaključen samo za toliko vremena koliko je osiguranje stvarno trajalo.

(5) U slučaju prestanka važenja ugovora o osiguranju zbog neplaćanja dospjele premije, ugovarač mora platiti premiju za neplaćeno vrijeme do dana prestanka važenja ugovora o osiguranju ili cjelokupnu premiju za tekuću godinu osiguranja, ako je do dana prestanka osiguranja nastao osigurani slučaj za koji osiguravač mora isplatiti naknadu iz osiguranja.

13. član – POVRAT PREMIJE

(1) Osiguravaču pripada premija za tekuću godinu osiguranja u cjelosti, ako se na osiguranoj stvari dogodio osigurani slučaj.

(2) Osiguravač vraća neiskorišteni dio premije, ako je osigurana stvar uništena zbog neosigurane opasnosti ili je uništena prije početka osiguravajućeg pokrivača.

(3) U ostalim slučajevima prestanka važenja ugovora o osiguranju prije završetka trajanja osiguranja, osiguraniku se vraća neiskorišteni dio premije, ako nije drugačije ugovoreno.

(4) Neiskorištenim dijelom premije, u smislu stava 2 i 3 ovog člana smatra se srazmjerni dio premije za preostalo vrijeme trajanja osiguranja od dana prijema zahtjeva za prekid osiguranja. Osnovica za obračun povrata neiskorištenog dijela premije je ukupno obračunata premija umanjena za iznos troškova poreza, te za troškove sprovođenja osiguranja u iznosu od 14 % od ukupno obračunate premije umanjene za porez.

14. član – POČETAK VAŽENJA OSIGURANJA

(1) Ako drukčije nije ugovoreno, ugovor o osiguranju proizvodi svoje dejstvo po isteku dvadeset četvrtog sata dana koji je u polisi označen kao dan početka osiguranja, pa sve do svršetka posljednjeg dana roka za koji je osiguranje ugovoreno.

15. član – OSIGURANI SLUČAJ

Kod osiguranja stvari, smatra se da je osigurani slučaj nastao u trenutku kada su zbog jedne od osiguranih opasnosti počela nastajati oštećenja na osiguranoj stvari.

16. član – DUŽNOSTI OSIGURANIKA NAKON OSIGURANOG SLUČAJA

(1) Osiguranik mora osiguravaču prijaviti nastanak osiguranog slučaja najkasnije u roku od tri dana od dana kada je za njega saznao.

(2) Osiguranik mora o osiguranom slučaju koji je nastao zbog požara ili eksplozije, kao i kod provalne krađe i razbojništva, odnosno pokušaja tih radnji, odmah obavijestiti nadležni organ unutrašnjih poslova (policiju) i navesti koje su stvari bile uništene ili oštećene.

(3) Osiguranik mora osiguravaču dati sve podatke i druge dokaze koji su potrebni za utvrđivanje uzroka, obima i visine štete.

17. član – POSTUPAK VJEŠTAČENJA

(1) Svaka ugovorna strana može zahtijevati da određene sporne činjenice utvrđuju vještaci.

(2) Svaka strana imenuje jednog vještaka između lica koja sa strankama nisu u radnom odnosu. Imenovani vještaci prije početka rada imenuju trećeg vještaka koji daje svoje mišljenje samo kada su zaključci prva dva vještaka različiti i samo u granicama nužnih zaključaka.

(3) Svaka ugovorna strana snosi troškove za vještaka kojeg je imenovala, a za trećeg vještaka svaka strana snosi polovinu troškova.

(4) Zaključci vještaka obavezujući su za obje strane.

18. član - OSIGURANJE NAKON OSIGURANOG SLUČAJA

(1) Nakon osiguranog slučaja u kojem su osigurane stvari bile oštećene, osiguranje se nastavlja bez promjene.

(2) Za stvari koje po ugovoru o osiguranju važe kao uništene, osiguranje po osiguranom slučaju prestaje važiti.

19. član – ŽALBENI POSTUPAK

(1) Protiv ponude osiguravača ili odbijanja odštetnog zahtjeva dozvoljena je žalba u pisanom obliku komisiji za žalbe osiguravača. Žalba se podnosi kod one organizacione jedinice osiguravača koja je razmatrala odštetni zahtjev.

(2) Osiguravač razmatra i žalbe u kojima se potvrđuje kršenje poslovnog morala. Žalba se podnosi kod one organizacione jedinice osiguravača kod koje je nastalo navodno kršenje.

20. član – PROMJENA ADRESE

(1) Ugovarač osiguranja mora osiguravača obavijestiti o promjeni adrese svog stanovanja, odnosno sjedišta firme ili svog imena, odnosno naziva firme u roku od 15 dana od dana promjene.

(2) Ako ugovarač osiguranja promijeni adresu stana, odnosno sjedište ili svoje ime, odnosno naziv firme, a o tome nije obavijestio osiguravača, dovoljno je da osiguravač pošalje obavještenje ili izjavu koju mora dostaviti ugovaraču osiguranja na adresu njegove posljednje poznate adrese stanovanja ili sjedišta ili ga naslovi na posljednje poznato ime, odnosno firmu.

21. član - NAČIN OBAVJEŠTAVANJA

(1) Dogovori o sadržaju ugovora o osiguranju važeći su samo ako su zaključeni u pisanom obliku.

(2) Sva obavještenja i izjave, što ih treba dati po odredbama ugovora o osiguranju, moraju biti pisane.

(3) Obavještenje ili izjava data je pravovremeno ako se prije isteka roka pošalje preporučenim pismom.

(4) Izjava koju treba dati drugome, važi od trenutka kada je drugi primi.

22. član – PRIMJENA ZAKONA

Za odnose između ugovarača osiguranja, odnosno osiguranika, na jednoj strani i osiguravača, na drugoj strani, primjenjuju se takođe i odredbe Zakona o obligacionim odnosima (ZOO).

23. član – NADLEŽNOST U SLUČAJU SPORA

Sporove između ugovarača osiguranja, odnosno osiguranika, na jednoj, i osiguravača, na drugoj strani, rješava stvarno nadležan sud prema mjestu zaključenja ugovora o osiguranju.

24. član – PRELAZNE I ZAVRŠNE ODREDBE

(1) Uslovi sa oznakom US-skl/10-12-cg primjenjuju se od 01. januara 2011. godine.

(2) Stupanjem na snagu ovih uslova prestaju da važe Uslovi za osiguranje stakla od loma od 14. aprila 2004. godine.